



**Na Elder Francisco J. Viñas**

No te Hitu Ahuru

# Te mau mea o te parau-ti'a ra

*Ei mau metua e ei mau feia faatere, ua titaubia tatou ia hi'o i te mau melo e i te mau utuafare ma te tauturu atu ia ratou ia faaatea i te mau mea e ume ia ratou i te pohe varua.*

**T**e parauhia mai ra tatou i roto i Te Mau Parau Haapii e te Mau Parau Fafau e i muri mai i te iteraa papû o te mau tavini o te Atua, te iteraa papû o te aueueraa fenua, e te iteraa papû o te tahi atu mau mea e apee mai. « E e arepurepu noa te mau mea atoa ra ; e e aehuehu te mafatu o te taata nei ; no te mea e e tae mai te mata'u rahi i ni'a i te mau nunaa taata atoa » (PH&PF 88:91 ; a hi'o atoa te mau irava 88-90).


Ei melo no te Peresideniraa Area no te mau motu Caraïbe ua riro vau ei ite mata i te feia mo'a o tei tau i te ri'ari'a i roto i te faaroo. E nehenehe e faaau te mau haapiiraa mai ô mai i te fenua Haiti i te tahi mau faahoho'araa o te Buka a Moromona.

Te aehuehu o taua haamouraa ri'ari-'a ra, ua hopoi mai i roto i to'u feruriraa te mau parau o te pene 28 o te buka a Alama: « O te hoê tau teie i faaroohia'i te oto e te auê rahi e ati noa'e te fenua » (Alama 28:4).

E maha ahuru ma piti melo atoa tei pohe. A oto ai to ratou mau utuafare e to ratou mau hoa «i te pohe o to ratou mau fetii, area râ, ua oaoa ratou e ua umere ho'i i te ti'aturi e i te ite ho'i e, ua faateiteihia ratou ia noho i te rima

atau o te Atua, e i reira vai ai ma te oaoa mure ore mai te au i te parau a te Fatu ra » (Alama 28:12).

Ua afa'i-oioi-hia te mau tauturu e te Ekalesia i te mau melo e i te mau melo-ore e ua operehia i raro a'e i te faatere-raa a te feia faatere o te autahu'araa e a te Sotaiete Tauturu o te fenua iho. Aita ratou i farii noa i te tauturu a te fare ma'i, te maa, te pape e te tahi atu faaherehereraa maa taa ê, ua farii atoa râ ratou i te a'o, te arata'iraa e te tamahanahana a to ratou mau feia faatere o te fenua iho. Ua farii ratou i te patururaa a te mau melo o te Ekalesia o te ao atoa nei i « oto ai te feia o tei oto ra ; oia ia, e ia haamahanahana ia ratou i tei au ia haamahanahania ra » (Mosia 18:9).



Rave rahi mau peropheta no tera tau e tera tau tei faaara mai ia tatou i te tahi atu ati eita e ite-ohie-hia, e ere râ te mea iti to'na faufaa, oia hoi « e tae mai te hoê poheraa ri'ari'a i ni'a i te taata ino ra ; e pohe ho'i ratou ta te parau-ti'a ; no te mea e mea viivii ratou, e e ore e ti'a i te hoê mea viivii ia ô i te basileia ra a te Atua » (Alama 40:26).

Ua haapii mai Nephi i teie parau tumu i to'na mau taea'e ma te parau ia ratou e o tei « pohe ratou i ta ratou mau parau-ti'a-ore ra... e faaruehia ratou, e e faarehia ho'i i te mau mea o te Varua, oia ho'i i te mau mea o te parau-ti'a ra » (1 Nephi 15:33).

Ua haapii mai Samuela te peropheta o te Ati Lamana e « e o te ore râ e tatarahapa ra, o te tapûhia ia, a titirihia'i i roto i te auahi, e roohia mai ai te pohe varua, oia te pohe piti ; ua tupû-ê-faa-hou-hia ho'i ratou i ta te parau-ti'a » (Helamana 14:18).

Te ati rahi o te pohe o te mau mea-toa ra o te *pae varua* e mea rahi a'e ia i te feia o « tei haamaramamahia e te Varua o te Atua ra, e ia noaa ia ratou te ite rahi i te mau mea o te parau-ti'a ra, e i reira ia rave ratou i te hara e te ohipa iino ra[;] e riro ratou tei taata etaeta'tu, e e riro atu ra to ratou huru ei mea ino roa i to ratou huru hou ratou i ite ai i taua mau mea nei » (Alama 24:30).

Ei mau metua e ei mau feia faatere, ua titaubia tatou ia hi'o i te mau melo e i te mau utuafare ma te tauturu atu ia ratou ia faaatea i te mau mea e ume ia ratou i te pohe varua. E hi'o atoa tatou ia faaora i te feia o tei pohe i te mau mea o te pae varua e ia tauturu ia ratou « oia ia , ia fanau i te Atua ra, ia faarirohia to ratou huru tahuti e te ma'iri ra, ei huru parau-ti'a, i te faaora-raahia e te Atua, ia riro ei tamaiti e ei tamahine na'na ra » (Mosia 27:25).

The spiritual healing of those who have been dead as to the things pertaining to righteousness comes about through the power of the Atonement, conversion to the truth, and adherence to the principles of righteousness. Te faaoraraa pae varua o te feia o te pohe i te mau mea o te parau-ti'a ra e tae mai ia na roto i te mana o te Tarahara, te faafariuraa i te parau-mau e i te piriraa'tu i te parau tumu o te parau-mau.

E mea faufaa te haapiiraa i ta tatou mau melo e i te mau utuafare no ni'a i te mau mea o te parau-ti'a i roto i te tupuraa o te manuiaraa o te hoê faafariuraa e ti'a i te vairaa inaha ho'i e nehenehe te reira e arata'i ia ratou ia farii i te hoê iteraa tano no te mau faaueraa a te Fatu, te parau tumu e te parau haapiiraa o te evanelia e te mau titauraa e te mau oro'a o ta tatou e ti'a ia haapa'o ia nehenehe ia tatou ia farii i te faateiteiraa i roto i te basileia o te Fatu.

Rave rahi mau hi'oraa i roto i te mau papa'iraa mo'a o te haapapû mai te faufaa o te haapiiraa i « te mau mea o te parau-ti'a ra » no te tauturu ia farii i te hoê faafariuraa maoro. I roto i te aamu i horo'ahia no Amona e to'na ra mau taea'e i te pororaa i te evanelia i rotopu i te Ati Lamana, e tai'o tatou :

« E ua a'o atu Amona i te mau taata o te arii ra o Lamoni ; e ua haapii atu oia ia ratou i te mau mea atoa i ta te parau-ti'a ra » (Alama 21:23).

E nehenehe tatou e ite i te mau hopea o te puai i te haapiiraa i te mau mea atoa o te parau-ti'a a tamau noa'i tatou i te tai'o i te aamu i te pene 23, i reira i paruhia mai ai e, « O tei faaroo, e o tei faafariuhia mai i te ite i te parau mau ra... e i fariu ho'i i te Fatu ra, aita roa'tura ratou i taiva » (Alama 23:6).

I to Alama te Elder faati'araa i te Ekalesia, ua haamo'a oia i te mau taata ti'amâ ei tahu'a e ei haapii o tei « tia'i ai ratou i to ratou mau taata, e ua tauturu ho'i ia ratou i te mau mea o te parau-ti'a ra » (Mosia 23:18).

Te ohipa faufaa a te mau metua i roto i teie ohipa o te tautururaa ia i ta ratou mau tamarii ia taa papû i te mau mea o te parau-ti'a ra. I roto i te Buka a Moromona e ite tatou e o Alama Tamaiti, tei haamauiuhia no te rahi o te ino, te tama'i e te mau marô-  
raa e vaira, e te mau ati o te huru eta-eta o te aau o to'na ra mau taata, « i haaputupu ai oia i ta'na mau tamaiti atoa, ia poro'i tatahi oia ia ratou i te mau mea o te parau-ti'a ra » (Alama 35:16 ; haapapûraa i apitihia'tu).

E mea faahiahia ia ite e, ua haapii oia e ua horo'a oia ma te faataa ê maitai i ta'na mau tamarii ta ratou hopoi'a, ma te faaau i ta'na mau haapiiraa i te



mau tamaiti tata'itahi, mai te au i te hinaaro o te mau tamaiti. E ua faaite i to'na iteraa papû e ua haapii ia ratou te parau haapiiraa e te mau parau tumu, no te faaineineraa ia ratou ia poro i taua mau parau tumu ia vetahi ê.

I te hoê tau tei raro a'e te utuafare i te aroraa a te mau puai no te ino e mai te huru ra te oraraa ta tatou e ora nei aita i taa ê roa'tu mai ta Alama i ite mai, ua faataa te Peresideniraa Matamua e te Pûpû no te Tino Ahuru Ma Piti i roto i « Te Utuafare : E Poro'i i to te Ao nei » e « te mau metua e hopoi'a na raua te faaamuraa i ta raua mau tamarii i roto i te here e te parau-ti'a » (*Liabona*, atopa 2004, 49).

Oia ho'i, te faaamuraa, te tururaa e te haapiiraa i te mau tamarii i roto i te mau mea atoa no te parau-ti'a ia vai pautuutu noa, e i te tatuaraa i to ratou tauupu i te parau mau, « e mai te tamau i te paruru ouma o te parau-ti'a ra, e mai [te] tiaahia te avae i te

faaineineraa no te evanelia o te hau ra » (PH&PF 27:16).

Mai te tau o Alama, e hi'o atoa to tatou mau feia faatere i ni'a i te mau melo o te Ekalesia e ia faaamu ia ratou i te mau mea o te parau-ti'a ra. E tauturu teie mau mea ia tatou ia faatupu i te hoê faafariuraa papû. I roto i teie parau haamaramaramaraa « Haapapûraa i te Haapiipiiraa na te Feia Faatere », hi'opoa-faahou-hia i te 10 no titema 2009, ua ani te Peresideniraa Matamua e te Pûpû no te Tino Ahuru Ma Piti i te autahu'araa e i te feia faatere no te pûpû tauturu ia « faaitoito i te utuafare tata'itahi, te mau metua e te mau tamarii, ia tai'o i te mau papa'iraa mo'a, ia pure tamau noa, e ia ora i te evanelia a Iesu Mesia » (rata na te Peresideniraa Matamua, 15 no titema 2009).

Te tuatapaparaa i te mau papa'iraa mo'a, te pure-tamau-raa e te oraraa i te evanelia a Iesu Mesia e ohipa te reira no te parau-ti'a e ua heheu mai te Fatu

i teie fafauaraa nehenehe roa : « E o oia o te rave i te mau ohipa parau-ti'a ra e farii ia oia i ta'na utu'a, oia ia te mana'o hau i roto i teie nei ao, e te ora mure ore i roto i te ao amuri atu ra » (PH&PF 59:23).

No te haapii-maitai-raa i te mau mea o te parau-ti'a ra, e mea faufaa ia taa e, hau atu i te faaiteraa i te mau haamaramaramaraa, e mea ti'a ia tatou ia faaohie i te heheuraa. Mai te reira, e farii te taata i haapiihia i te hinaaro ia ite i teie mau parau tumu na roto ia'na iho.

Ua heheu mai te Fatu ia Hyrum Smith e, na roto i to'na taea'e, te propheta Iosepha Semita e :

« E tuu atu vau i ta to'u nei Varua ia oe na, o te haamaramarama mai i to oe feruriraa, o te faai ho'i i te oe aau i te oaoa;

« Ei reira oe e ite ai... i te mau mea atoa ra ta oe e hinaaro ia'u nei, e tei riro ei mau tufaa no te mau mea parau-ti'a ra, na roto i te faaroo ia'u nei e roaa te reira ia oe na » (PH&PF 11:1-14).

Ei opaniraa, ua faaara mai te mau papai'raa mo'a ia tatou i te mau ati no te pohe o te mau mea parau-ti'a ra e i te mau hopea fifi mau no te feia o tei haamaramaramahia e te Varua o te Atua, tei topa i roto i te hara e i te faahaparaa.

Te haapiiraa i te mau mea o te parau-ti'a ra e mau tumu faufaa rahi i roto i te tautururaa i te mau taata ia tomo mai i roto i te ite no te parau mau, ia faafariuhia e ia vai papu noa i roto i te faaroo o te Mesia e tae noa'tu i te hopea.

E hopoi'a mo'a na te mau metua ia haapii i ta ratou mau tamarii i te mau mea o te parau-ti'a. E ara e e faaamu te feia faatere e te mau orometua i te mau melo mai te au i to ratou haapa'o-maitai-raa, e ma te haapii maite ia ratou i te mau mea o te parau-ti'a ra.

E oti teie mau mea i te faaoti-manuia-hia mai te mea te heheuraa e faaohie i roto i te haapiiraa, o te faatupu mai i te hiaai o te mau taata o te haamaramaramahia e te Varua o te Atua. I muri iho, mai te mea e, e faaohipa ratou i te faaroo, e nehenehe te Varua e faaite ia ratou te mau mea o te parau-ti'a ra. No teie mau mea, te faaite papu nei i te reira na roto i te i'oa o Iesu Mesia, amene. ■



**Na Elder Neil L. Andersen**

No te Pupu no te Tino Ahuru Ma Piti Aposetolo

## A faati'a mai ia'u te mau aamu no Iesu

*Na te faaroo puai ia Iesu Mesia e faaineine [i ta outou mau tamarii] no te mau titauraa ta ratou e farerei papu.*

Ia ma'iti-ana'e-hia oe no te paraparau i te pae hopea o te tuhaa hopea o te amuiraa rahi, e faaroo oe i te mau parau atoa, ma te uiui e, eaha te vahi o ta oe a'oraa e vauvauhia mai hou a tae mai ai to oe taime. Aita e parau tumu faataahia, aita e faaauraa no te mau parau tumu. Te raveraa a te Fatu, oia ia, te ra te raveraa maitai a'e. E rave Oia i te mau tautooraa na roto i te pure a te taata paraparau tata'itahi, e i reira oia e hamani ai i te ho'e pehe varua tei i roa i te heheuraa e te mana. Te mau tumu parau i faahiti-faahou-hia, te parau tumu i ni'a i te parau tumu, te mau faaararaa tohu, te mau fafauaraa faateitei – ua riro te pehe hanahana ei temeio ! Te faaite papu nei au e, i roto i teie amuiraa ua faaroo iho nei tatou e ua ite iho nei tatou i te mana'o e te hinaaro o te Fatu.

Ua faahoho'a te Peresideni Thomas S. Monson i te u'i e haere mai nei ei « mea maitai roa'e »<sup>1</sup> e ua parau i to tatou feia ap'e : « Ua haere mai outou i te fenua nei i te ho'e tau hanahana. Te mau rave'a i mua ia outou aita i ta-oti'a-hia ».<sup>2</sup> Teie ra, ua faaara atoa oia e, « ua tuuhia mai tatou i te fenua nei i te mau tau arepurepu ».<sup>3</sup> « E tau teie no te faati'a-noa-raa, e i roto i te sotaiete taatoa aita e taua-faahou-raa e aita e faatura-faahou-raa i te mau ture a te

Atua ».<sup>4</sup> Ua faatihia tatou e rave rahi o tei faataahia no te faaanaanatae i to tatou mana'o. « E ohipa te enemi i te mau rave'a atoa no te marei ia outou i roto i ta'na upe'a no te haavare ».<sup>5</sup>

E hopoi'a na tatou i te aupururaa i te u'i e haere mai nei. Ua haere mai ratou i te fenua nei e te tahi mau hopoi'a faufaa rahi e te mau iteraa rahi i te pae varua. Eita e ti'a ia tatou ia taua noa i te tahi taime i roto i to tatou faaineineraa ia ratou. Ta tatou ohipa ei mau metua e ei mau orometua e ere i te hamani-raa i te ho'e huero pae varua i roto i to ratou varua maori ra, te tauraa i te ama o to ratou huero pae varua o tei ama-a'e-na i te auahi no to ratou faaroo hou teie ao.

Teie avatea, te hinaaro nei au e faatumu i te piiraa a te ho'e tamarii na roto mai te ho'e himene a te paraimere :

*A faati'a mai na ia'u i te mau aamu no Iesu, mea au na'u ia faaroo. Te mau mea ta'u e ani ia'na no te parau mai ia'u, mai te mea tei onei oia.*<sup>6</sup>

I roto i to tatou ao i teie mahana, te hiaai nei te tamarii tata'itahi, te feia ap'i tamaroa e te feia ap'i tamahine tata'itahi i to'na iho faafariuraa i te parau